



## Hijaaba Mallatoo Kabajaa-Kutaa 2

### Description

#### Miidhaa hijaaba uffachuun dhiisu

Torbaan darbee faaydalee hijaaba eeruf yaalle turre. Hijaabni mallatto kabajaati. â€œYommuu ilmaan namaa Rabbii qofaa bitaman, harqoota gabrummaa fedhii isaani, sheyxaana fi namoota biroo jalaabahan.â€ Namni yommuu Rabbiin alaa wanta biraati gabra taâ€™uu harqoota gabrummaa bilisummaa hin qabne jalatti kufa. Sheyxaanni, fedhiin isaati fi namoonni gabra godhatu. Rabbii qofaa bitamuun bilisummaa dhugaa argachuudha. Namni yommuu Rabbiin qofa gabbaruu gadi fageesse yaada, dhugaa fi sobaa addaan baafata, wanti hunduu isa funduratti ifa taaâ€™a. Sheyxaanni fi gargaarttonni isaa ilmi nmaa Rabbii qofa gabra taâ€™anii bilisummaa isaani akka hin goonfanne halkanii guyyaa carraaqu. Sheyxaani keessa alaa daandii haqaa irraa nama jallisuuf murate kaâ€™e. Takka si jallisuuf shakkii sitti darbaa, takkaa wanta fokkuu sitti miidhagsa. Takkaa salaata irraa duubatti si harkiisa. Carraaqin kuni hundi si jallisuun gabra isaaf akka taatu fi gammachuu akka dhabduufi. Kanaafu sheyxaanota nmaati fi jinni itti qabsaaâ€™i. Daandii qajeela irraa si dabsuun akka si hin hongeessine. Tolee hin jedhin.

Olala diinni kee â€˜hijaabni uffata duubatti hafaadha, dubartii cunqursaâ€™ jedhu dhageefachuun uffata kabajama ofirraa hin mulqin. Nama qullaa deemu caalaa namni duubatti hafaan eessa jiraa? Nama fedhii ofii, sheyxaana fi namoota gabra taâ€™ee caalaa namni cunqurfamaan eessa jiraa?

Dubartooni hijaaba malee yaaâ€™an dhiira ofitti harkisuuf wanti isaan hin hojjanne hin jiru. Looshinii, lipistikii, shittoo, ofitti dibuu fi uffata qonxee fi qaama ishii agarsiisu uffachuun qaama ofii gurgurtii. Of tottolchuuf saâ€™aati meeqa dawwitii funduratti fixxi, looshinii, shittoo, lipistikii, kophee qaâ€™a qaâ€™a jedhu bituuf qarshii hangamii qisaasessiti! Abeet! Gabrummaa akkamii! Mataa ofiiti osoo hin taâ€™in nmaa jedhanii jiraachun!

Ati yaa obboleetti yoo hijaaba uffatte kana hundarraa bilisa taata. Namootaf osoo hin taâ€™iin jireenya mataa keeti jiraatta. Hijaaba keetti booni malee ittiin hin qaanaâ€™in. Yoo ati rifeensa mataa keetti wanta feete dibde eenyulle haguuggi kee sirraa baasun sitti hin kolfu. Luka keettis wanta feete yoo dibde namni kamu si hin beeku. Dubartiin hijaaba hin uffanne immoo â€˜namni maal naan jedha, natti

kolfan,â€!â€™ yaadota jedhaniin of dhaphisuu baâ€™aa hin dandeenye ofitti baachisti, gammachu fi tasgabbii dhabdi. Yommuu namoonni ija itti bobaasanii ilaalan â€“ Ah namoonni wanta badaa narratti arguu hin oolanâ€™ jechuun galaana dhaphinnaatti of darbiti. Dubartoonni warra Dhihaa cunqursaa isaani jala bahanii hijaaba uffachuu jalqaban dhugaa kana siritti hubatu. Hangam akka sobamaa turan Islaamatti erga seenanii booda argan. Hijaabni uffata cunqursaa osoo hin taâ€™in uffatta bilisummaa akka taâ€™ee siritti hubatan.

Miidhan hijaaba uffachuu dhiisu kana qofatti hin dhaabbatu zinaa fi wantoonni fokkuun akka babalâ€™atan karaa bana. Dhubeen Eedisii lubbuu namoota miliyoona meeqaa galaafata jiru sababa zinaatinii mitii maa? Dubartiin hijaaba uffachuu dhiiste yommuu qullaala baatu qaama, sammuu, fayyaa fi jirenya ofii balaa irra buusaa jirti. Harkuma ofitiin dhiira ofitti harkisuun boodarra dhiveewwan garagaraatin reebamti. Boqonnaa sammuu fi tasgabbii dhabdi. Ulfa hin barbaachisneef saaxilamti.

*Hijaabni qaama qofaa miti sammuu fi qalbiis faaya. Yommuu dubartiin qaama fi sammuu ofii wanta badaa irraa haguugdu, nama gamnaa(aaqila) taati. Sababni isaas badii fi cubbuun qaama fi sammuu namsaa hadoochu. Kanaafu yommuu hijaaba uffattu hin qaanaâ€™in. Warroota sitti qoosanis jalaa hin dhagahin*

**Dubartiin meeshaa beeksisaa taatiâ€“** yeroo amma beeksisin dubartii hin qabne beeksisa hin jedhamu. Kan naannoo hanqatee Tv, interneeti, Gazeexaa fi kkf irratti dubartiin namoota gammachisuuf qaama ofii gurgurtuu lakkofsa hin qabdu. Dubartii akka namaati kabajaan waliin jiraachu dhiisanii akka meeshatti itti fayyadamuu caalaa cunqursaan ni jiraa? Cunqursaa kana bilisummaa jette lallabdi sheyxaanni fi deeggartoonni isaa.

**Badiinsa fuudha heerumaa fi diigama maati-** yeroo ammaa fuudha heerumni hafe namni akkuma horii jiraacha jira. Kaayyoon fuudha heeruma fedhii fooni guutu qofa osoo hin taâ€™in sanyii horachuu fi jirenya namsaa itti fufsiisudha. Warrooni Dhihaa sababa dhabamiinsa fuudha heerumaa irraa kan kaâ€™ee lakkofsi dargagoota isaanii xiqlaacha adeema jira. Hundeen kanaa hundii duguugamuu aklaaqa fi dubartiin qullaala deemudha.

Erga maatiin ijaarrame boodayuu rakkoon baayâ€™een ni kaâ€™a. Dubartiin faaya fi bareedinni ishii dhiirsa ofiitif qofa dhiiste nama biraatif yommuu agarsiistu, balaa ofii fi maatii ofitti waamaa jirti. Dhiirri biraa itti dharraâ€™uun karaa dhiirsa fi ijjolle ishii irraa ittiin addaan baasu barbaada. Yookiin zinaa ishii waliin dalaguun ilma nama biraadhiarsi ishii akka guddisuu dirqama. Kuni balaa akkamii! Maatiin sababa kanaan bittinaâ€™an lakkofsa hin qaban. Marree yaa obboleetti koo yoo hijaaba uffatte fi naamusa/qulqullinna kee eegde, maatii gaarii fi gammachu qabu ijaarta. Hawaasa badii irraa baraarta.

Hundeen maatii fi hawaasa si akka taâ€™e beekun kabaja kee tiksi.

### **Warroota hijaabaf namatti qoosan akkamitti ofirraa ittistaa?**

Sheyxaanni ilma namsaa gabroofachuuf wanta gaarii jibbisaa wanta badaa immoo miidhagse namatti mulâ€™isa. Qullaala deemu akka miidhaginnaa fi qaroominnaatti, uffata uffachuu immoo akka fokkuu fi duubatti haftummaa gochuun ilma namsaa jaanjessa. Kaayyoon isaa kana:

â€œDhugumatti sheyxaanni isiniif diina. Isinis diina isa godhadhaa. Hordoftoota isaas warra **ibidda bobaâ€™a keessaa akka taâ€™aniifqofa isaan waama.**â€ Al-Qurâ€™an 35:6

Kaayyoon sheyxaana addunyaa aakiratti ilma namaa kasaarsudha. Qullaa isaan oofun zinnaa fi badiif akka saaxilaman isaan gochuudha. Deggartoonni isaas miidiyaa fi karaa adda addaatin ilma namaa qullaa oofuf hijaabatti qabsaaâ€™a jiru. Olala sobaa odeessun dubartiin kabaja, bilisummaa fi gammachuu akka hin arganne dhagaan isaan hin buqqisne hin jiru. Akka meeshatti fedhii ofiitif fayyadamuu barbaadu.

Yommuu hijaaba of faayte deemtu kan aqlii isaa gadi aanaa taâ€™ee sitti baacu dandaâ€™a. jechoota fokkuu dubbachuun keessa kee miidhu dandaâ€™a.

Duraan dursinee wanti beeku qabnu Islaama qabnaan qormaanni nu muudatu akka dandaâ€™u sammuu keenya keessatti galchuu qabna. Qormaata kana yoo dabarre milkaâ€™inna addunyaa aakiratti arganna. Namoonni sitti baacu fi kolfuun qormaata akka taâ€™ee beekun amantii keetti daran qabachuu qabda. Namoota warroota amananitti baacanii fi kolfan Rabbiin haala kanaan ibsa:

**â€œDhugumatti isaan dilaawan(yakkamtooni) warroota amananitti kolfaa turan.**  
**Yeroo isaan bira darban wal akeeku. Yeroo gara maatii isaani deebiâ€™aniis**  
**gammadaa deebiâ€™u. Yeroo isaan arganiis â€œDhugumatti isaan kun jallattoota.**â€  
**jedhu. Tooâ€™attoota taâ€™anii isaan irratti hin ergamne. Harâ€™a (Guyyaa**  
**Qiyyama) isaan amanan kaafirootatti ni kolfu. Sireewan irra taâ€™anii ilaaluâ€**  
 Suuraa Al-Muxaffifin 83:29-35

Kanaafu dhaamsa hundarra miidhagaa kana sammitti galfachuun yoommu kaafironni nutti baacan ijjanno fi muranno keenya laamshayuu hin qabu. Hijaabni kee kabaja kee akka taâ€™ee beekun warraa gowwaaf gurra hin keniin. Isaan waliin mormuu dhiisiti jalaa deemi. Sareen dutte duttee yoo afaan dhukkubu ni calâ€™isti.

Hijaaba kee akka ofirraa mulqitu diina alaa qofaa miti diinni keessas si qora. Yommuu hijaaba uffatte deemtu sheyxaanniakkana jechuun si wasawasuu dandaâ€™a,â€ Shammarran qullaa deeman kanniin hin ilaaltu akkamitti akka miidhaganii deeman? Dhiirri ishii ni jaallata, garuu kan si jaallatu hin jiru. Aboo shamarrumma keetti fayyadamii. Kolfii taphadhu. Hijaaba kana achi lafa godhii.â€ Jechootaakkana sheyxaana keessaa qofaa mitii sheyxaana nama haaluma kanaan sitti hasasu dandaâ€™a. Qormaanni kee guddaan kana. Yoo mooâ€™atte dabarte Insha Allah jirenyaa gammachuu akkamii jiraattaa! Yoo kÃ¼fte sheyxaana hordofte immoo abeet! Gaddaa fi jeequmsa akkamitti kuftaa!

Yommuu yaadonni fokkuunakkana sammuu kee qaxxaamuru â€œAâ€™uzubillahi mina sheyxaani rajiim.â€ Jedhi.

**Hiriyyoota kee filadhuâ€“** jirenyaa keessatti hiriyyaan kee murteessan. Sababa hiriyyaatin dubartiin biqiltuun karattÃ± gogde hafte meeqatu jirti. Sababa hiriyyaatin hamileen ishee cabe manatti hafte meeqatu jira. Haala isaani osoo qoratanii nama boochisa, nama gaddisiisa. Atillee namootaakkanaa yoo argitee yookiin seenaa isaani dhageesse barnoota irraa fudhachuun jirenyaa kee tolfadhu.

Shamara hijaaba ofirraa mulqitee akkuma argite dhiira waliin taatu dhumiishii maal akka taâ€™e ilaali. Sarara kana osoo dubbistuu atille qormaanni kuni si muudatu dandaâ€™a. yeroon hin dabarre dafii gara Rabbii deebiâ€™i osoo duuti hin dhufiin. Haala jirtu kana keessa bahuun fuula haarawa jireenyaa keeti bani. Towbaan, araarama Rabbirraa kadhachuu fi hojiwwan gaggaari hojjachuun furmaata siif taâ€™u.

Gara hiriyyaatti yoo deebinu, isaan hordofuun qullaa hin deemin gatii baayâ€™ee kafaltaati. Osoo dhiveen qabamte hiriyyaan harâ€™a ati duutuf achii garagalte si ilaaltu hin jirtu. Maatii kee qofatu si waliin rakkata. Hiriyyoota wanta gadhetti si harkiisan irraa fagaadhu keessattu kaafiroota. Kaafira jette amantii kee dhabuu dandeessa. Hiriyyaa gaarii fi amantii kee irratti si jajjabeessitu qabadhu.

**Amantii kee barachuuf tattaafadhuâ€™“** akkuma amantii kee barattuun imaanni fi ijjannoontu kee dabalaan adeema. Guyyaa guyyaan karaa adda addaatin akkuma barachuuf taatafattuun diina keessaa fi alaa mooâ€™ata adeemta.

### Guduunfaa

Hijaabni mallattoo kabajaati, mallattoo gadi aantummaati miti. Hijaabni karaa bilisummaa ofii ittiin gonfatan, cunqursaa miti. Hijaabni qaama qofaa mitii sammuu fi qalbii badii irraa haguuga. Hawaasni tokko qilee wallaalmatti fi sadarkaa horiitti kan kufuu yommuu shirkiin, zinaa fi wantoonni fokkuun babalâ€™ataniidha. Badiin kunniin ilma namaa ajeessu. Shirkiin uumama ilma namaa (fixraa) sirrii ajeesun dandeetti yaadu, xinxallu, ilaalu dukkaneessa. Zinaan immoo hawaasa ajeessa. Sanyiin ilma namaa qulqulluun akka itti hin fufne taasisa. Guddinnaa fi qaroominna laamshessa. Gammachuu, nageenyi fi tasgabbiin akka badu taasisa. Zinaaf kan karaa banuu immoo dhiira fi dubartiin akka fedhan yoo taâ€™aniidha. Dubartiin qullaa deemun aklaaqni yoo badee ilmii namaa gara badiinsa gulufaa jiraa jechuudha. Aklaaqni keenya baduun adabbi Rabbii akka hin saaxilamne qabsoo guddaa nafsee fi sheyxanaa waliin gochuu qabna. Wantoota gaariitti wal kakaasun wanta badaa irraa wal dhowwun badii irraa wal baraaru dandeenya.

Osoo isin gadi hin lakkisin wanta gabaabdu asitti dabalu barbaada. Innis ulaagale hijaaba. Hijaabni ulaagale jaâ€™a qaba. Isaaniis:

1. Hanga uffatamu- dirqama kan taâ€™ee harkaa fi fuula malee guutumaan guututti qaama guutu dhoksu qaba. Aalimoonni gariin harkaa fi fuula uffachuun dirqama akka taâ€™eetti gorsu.
  2. Haphii taâ€™uun qaama kan agarsiisu taâ€™uu hin qabu
  3. Uffanni uffatamuun qaamarra kan gadi furamu taâ€™uu qabaa malee boca qaama kan agarsiisu taâ€™uu hin qabu.
  4. Uffanni uffatamu calanqisun saala faalla kan harkisu taâ€™uu hin qabu. Fakkeenya uffata barrabaru
  5. Saala faallatiin kan wal fakkaatu taâ€™uu hin qabu. Surree fi iskartuun jilbaa olitti hafu walirra uffatamuun hijaaba taâ€™uu ni dandaâ€™aa sila? Gonkumaa hijaaba taâ€™u hin dandaâ€™u.
  6. Uffanni uffatamuun kan warra kaafiroatiin wal fakkatu taâ€™uu hin qabu keessattu mallatto kan agarsiisu.
- Alhamdulillah waaâ€™ee hijaaba ilaachise harâ€™aaf asirratti xumurama. Insha Allah hanga guyyaa biraa walitti deebinutti Assalamu aleikum wr wb.

Like and share <https://www.facebook.com/jireenyabadhaatu/>

### Date Created

---

May 14, 2016

**Author**

admin